

榮縣志卷十五

輿地志

金石

金石之志代有作者非徒寶其文兼資考證史籍斷碣殘碑嗜古之士每摩挲不忍去焉代遠年湮金寒石泐不知凡幾載之于志所以存之于不朽也志金石

南安縣碑

在縣西賴牟鎮按齊之南安郡治南安縣不久即廢非得此碑何由知其建置地耶

聖德碑

碑目考在縣西子城門外真書大周聖德勒石文長安三年立韋縝撰按長安係武后年號舊

志謂此碑為五代時物誤

榮德山磨崖碑

碑目考在本山唐開元二十年刺史薛高邱立多載仙靈事今字畫已磨滅

榮縣志

卷十五 輿地志 金石

禱雨碑

碑目考縣東榮梨山慈雲寺唐元和元年立

真義侯碑

碑目考在本廟唐元和二年建舊經云即古獨孤白馬蜀將二人廟也

榮梨山古寺碑

碑目考在本山上時代無考

榮隱山修道院石碑

碑目考在本山上

州院碑

碑目考偽蜀司倉參軍苟延慶撰按延慶入宋為榮德縣令

菩提碑

碑目考在縣東宋開寶三年立

御制碑

宋真宗製夫列辟任人治民為重羣臣受命奉法居先朕勤擇循良撫綏黎獻慮萬方之未泰

每終夕而疾懷示以教條仰惟舊典守而勿失政則有成無曠庶官期善備于職業慎乃出令爰親述于訓辭勉副予心明揚爾事今賜諸道牧守及知州知軍通判知縣知監七條如左一曰清心謂平心待物不為喜怒愛憎之所遷則庶事正二曰奉公謂公正潔已則民自畏服三曰修德謂以德化民不必專尚

威猛四曰責實謂專求實效勿競虛譽五曰明察謂勤恤民情不使賦役不平刑罰不中六曰勸課謂勸諭下民勤于孝弟之行農桑之務也七曰革弊謂求民疾苦而釐革之大中祥符二年十一月降到宣和元年九月二十八日朝請大夫知榮州管勾神霄玉清萬壽觀兼管內勸農事賜紫金魚袋臣宋昌宗刻石

九域守令圖碑

見碑目考今聖廟正殿後附碑文按

得百里之國萬區堯遭洪水天下分為十二州禹平水土又制九州列五服周爵五等自公侯至附庸蓋千八百國周室既衰諸侯轉相吞滅陵夷至於戰國天下分而為七秦併四海變易古制始為郡縣更漢晉分裂至隋滅陳天下方合為一凡郡一百七十縣二千二百唐高祖改郡為州然海宇初定權置州郡太宗始并省之分天下為十道至開元盛時凡郡府三百二十有八縣一千五百七十三及五代喪亂離為十國郡縣之數莫可攷究聖宋龍飛天下復并為一迄今百有餘年其間州縣廢復不常世傳守令圖

榮縣志

卷十五 輿地志 金石

二

數本然其廢復郡邑多未改正兼州縣著望罕得其詳今當以九域志為定謹按志云凡一州之內首敘州封次及旁郡彼此互舉弗相混淆總二十五路京府四次府十州二百四十軍三十七監四縣一千一百二十五志之所在自有東西南北之分加以善本校正因命刊勒以皇朝九域守令圖為名其如紹聖間收復州郡志所不載者莫知所據故不錄云宣和三年榮州守重立按州守姓名失考

晁公武摩崖碑

在榮州公武以紹興中刺榮重建環城石橋四摩崖刻石紀之見周益公集

廢紹熙府碑

碑三俱在本縣一儒學封祀五臣碑紹熙府儒學教授宜賓從政郎支南榮立一在

榮德山判紹熙府曹公保守立一在洞雲寺紹熙府榮德縣寺僧立

宋封榮王儼碑

今在學宮內附碑文宋皇子威武軍節度使榮州管內官吏僧道百姓等

者猥荷皇慈寵頒徽數衮衣命服儀均槐位之崇茸巖高牙壤錫茅封之貴眷全閩之督府泊和義之名邦方雷侍于君親未即頒于條教洪惟上聖光纂炎圖賢和于朝共靖登閣之運民安其業坐臻熙父之

期凡爾有官各欽乃守務靖共而在位思清自以承  
休至于褒衣博帶之流緇服黃冠之侶旄倪遺老介  
胄武夫咸祇飭于一身以無干于三尺諸有尊屬併  
存問之右榜榮州刺史袁桂識曰皇上即位十有一年改  
元開禧五月朔天子封榮王仍頒教于榮所以警官  
吏訓士民者不一而足昔光宗皇帝常以和義為潛  
邸今又為聖天子疏封之地桂濫分左符祇奉條教  
期無負于訓勅復用勒諸貞珉以詔無窮元年孟夏  
吉日朝散郎知榮州軍兼管內勸農事賜緋魚袋臣  
袁桂拜  
手謹書

### 雁塔題名

宋開禧二年榮州刺史袁桂立教授劉道成  
在文廟正殿前字俱磨滅  
紳因補修聖廟餘貫于戟門外左右各豎雁塔一  
左塔刻宋明及國朝進士姓名  
名右塔刻國朝武進士姓名

### 魯清洞門亭子碑

今在榮梨山舞龍寺內字多磨滅  
乾隆中知縣黃大本覓原文刻石

## 榮

### 縣志

### 卷十五

輿地志金石

三

### 古三教像碑

### 古至聖先師像碑

### 文昌帝君像碑

三碑俱在文廟正殿內時代無考又  
碑目考載榮縣桂林山有衡陽王文書

碑

### 樂侯增置學田碑

在來牟鋪明萬曆壬寅年生  
員郝應龍簡全修等立石

### 賴牟公館碑記

即來牟鋪小字皆漫漶  
惟篆額此六大字現存

### 陳公生祠

康熙中立在蕭  
曹廟內

### 雙溪書閣碑

舊有斷碑半節書法甚佳又邑人曾省三  
摩岩橫書宋王庠王序讀書處八大字於

洞添修屋宇一間  
書碑以記其事

### 忍氣碑

前署縣國璋摩巖書跋云人生於世惟氣易動  
以氣爭勝遂至搆訟訟必終凶古訓所懲因氣

不忍傾家亡身非父兄仇皆可理解勿以小事動貽  
 後悔嗟爾愚人不知忍氣聽人播弄釀成乖戾凡事  
 能忍氣自平和各勤職業其樂如何同治五年丙寅  
 春日立碑在西門外二里許汪家地原名望江州  
 鎖江摩巖碑邑進士東巖廖朝翼書然山角有石亘江  
 而渡凡東北兩溪之水至此一鎖今江石舊蹟不可  
 復觀而巖勢聳峭俯瞰江流亦奇觀也吾師東巖  
 書鎖江二字大氣盤鬱出入顏柳直當  
 與此山金壽邑進士佑卿會省三謹跋

榮縣志

卷五

輿地志金石